

ШУКО ЛУДАТ - ШУКО ПАЛЕТ

Книгагудын поянлыкше книгаште веле огыл, тудын эн кугу поянлыкше – лудшо-влак, а нуно түрлө улыт. Тышке нуно книгаг лудаш, журнал ден газетлам шергалаш, мутым вашталгаш але шке мастарлык дене палдараш толыт. А книгагудо пашаен, ял калык эре толжо манын, уло кумылын тырша.

Лудшо-влакым книга деке шүман улмышт иктыш ушен шога. Нунын коклаште детективым, приключенийым, йоратымаш нерген возымым, историй дене кылдалтше книгаг лудаш йоратыше улыт. Икмыняр лудшо дене поснак палдарыме шуэш.

Изи Кушна гыч Тамара Алексеевна Григорьева «Ончыко» журналын ик номержымат шергалде огеш кодо, тыгак марий писатель ден поэт-влакын книгагштым шуко лудеш, у марла книгаг эреак вуча, садлан книгагудо пашаен тыгай книгаг районьшто эн ончычак налын шога. Тамара Алексеевна шкеже веле огыл, тыгак



пошкудыжо Лидия Тимофеевна Ивановам лудаш тарата.

Изи Шорьял гыч Любовь Дмитриевна Назарова кызытсе руш да йот эллесе ав-

тор-влакын произведенийыштым уло кумылын лудеш. Тудо тыгак ойла: «Книга - айдемын чын йолташыже. Тудын дене яра жапат писын эрта».

Людмила Юрьевна Эльмекеева кидпаша, мланде паша, түрлө рецепт дене кылдалтше газет ден журналым налын шога.

Тыгак йоча-влакымат палемдыме шуэш. Нуно түрлө йомакым, йоча книгаг да журналым лудыт. Тидын деч посна үстембал модыш дене модыт да мероприятийлаште шке ушакылыштым тергат, мастарлыкымат ончыктат.

Шукыж годым книгагудо пашаен тора яллесе лудшо-влаклан книгаг мөнгышкышт нумалеш.

Пагалыме лудшо-влаклан да книгагудын ўшанле йолташыже-влаклан кугу таум каласена. Книгагудын омсаже чылаштан виш!

Светлана СЕМЁНОВА,

Шордүр книгагудо вуйлатыше

Снимкыште: Шордүр гыч Тамара Алексеевна Григорьева.